



4. marts 2016

UPA 2016/53

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Innuttaasut immikkut tamarmik kiassarnermut atukkaminnik taamaallaat akiliisaleqqullugit, Nukissiorfinnit kiassarneqartut tamarmik immikkut uuttuutilersorneqarnissaannut

Naalackersuisut peqquneqarnissaannik Inatsisartut aalajangiiffigisassaattut siunnersuut. Tamanna aallarteqquneqarpoq kingusinnerpaamik ulloq 1. januaari 2017.

(Inatsisartunut ilaasortaq Michael Rosing, Demokraatit)

Tungavilersuut

Demokraatit isumaqarput imaattariaqartoq, atuisutut akilertassallugu nammineq atukkat. Ajoraluartumilli amerlasoorpassuartigut imaappoq, nammineq atugaannaat akilerneqartaratik aammali allat atugaat akilerneqartarlutik. Taamaappoq kiassarneq eqqarsaatigalugu, suli imaamat, Nukissiorfiup neqeroorutigisinnaanagu nammineq kiserluinnarmi atukkat akiligassiisutiginissaat.

Ajornartorsiutaavoq, ataasiakkaat piumassuseqalerneq ajormata kiassarnermut sipaarnissaminnut imaluunniit illumunik pitsanngorsaannissaminnut annikinnerusumik kiassarnermut akiliisalernissaq siunertaralugu. Allatut oqaatigalugu imaappoq, maannakkut periuseq ingerlanneqartoq avatangiisinut kiisalu inuit ataasiakkaat aningaasaqarnerannut ajoqutaavoq.

2012-mi aasakkut Demokraatit sinnerlugit taamani Inatsisartunut ilaasortaasoq Jørgen-Ole Nyboe Naalackersuisunut apeqquteqarpoq (apeqqut nr. 2012-181) immikkut ataasiakkaanut kiassarnermut akiligassaliortoqartarsinnaanersoq pillugu. Naalackersuisut taamani isumaqarput, immikkut ataasiakkaanut akiligassaliortalernissaq akisuallaassasoq, oqaatigaalli taamali uuttuutit eletroniskiusut assigiinngitsut kiassaatinut atasiakkaanut ivertinneqarsinnaasut atorlugit kiassarnermut uuttuisoqarsinnaasooq.

Uttuutit taakku immikkoortissinnaavaat kiassarneq, kiassaateqarfimmiit kiassaammut annguttoq aamma kiassarneq, kiassaatinut annguttoq avatangiisiniit. Taamaallaat kiassarneq kiassaateqarfimmeersoq matumani atuinertut nalunaarsorneqassaaq.

Naalackersuisut akissumminni aamma allapput, imaasinnaasooq, piffissaq qaninnerusooq isigalugu uuttuutit elektroniskiusunik ivertitssuineq aaqqiissutaasinnaasooq.

Demokraatini akuleruffigissanngilarput sorliup aaqqissutaanissaa, isumaqarpugulli piffissanngortoq aaqqiisoqarnissaa, siunissami innuttaasut allat atungaannut akiliisarnerat unitsinniar-



lugu.

Atagu uani uuttuutiniq ataasiakkaaniq immikkut ivertissuinermi aningaasartuutaasussanut piviusorsioortumik taggiilaariarta:

Namminersorlutik Oqartussat Kalaallit Nunaanni 6.060-t missaanni inissiaateqarlutillu iluuteqarput.

(<http://www.ini.gl/download.aspx?docId=701747>)

Brunatap uuttuutiniq sanaartortartut ilaata siusinnerusukkut oqaatiginikuuaa uuttuutiniq illunut ataasiakkaanut ivertissuineq 4.000 koruunit 8.000 koruunillu akornanni akeqassasoq. Tassunga ilanngunneqassaaq assartuinermi aningaasartuutit il.il.

Demokraatini isumaqarpugut naapertuunnerpaassasut, uuttuutiniq ataasiakkaaniq ivertissuiner-mut aningaasartuutit attartortitsisup/ineqarnermut immikkoortortap akilertuuppagit.

Misissuinerup takutippaa, atuisut 20 procentinik atuinikinnerusartut, nammineq atuinertik malinnaaffigisinnaagaagamikkut. Brunata naapertorlugu atuisut immikkut uuttuutit atasiakkaaniq ivertitsiorfigiortornermikkut sipaarutigisinnaavaat 10 aamma 40 procentit akornanni. Tassa immikkut uuttuutiniq ataasiakkaaniq ivertitsiornerinnakkut attartortullu ataasiakkaat immikkut naatsorsuusiorfigisalerneqisigut nukimmik atuneq pitsanngorsarneqassaaq.

Nuummi H.J.Rinksvejimi blokkil ilaanni Blok 10-mi kiassarnermut naatsorsuutit misissoraanni, blokkimi tassani kissarnermut naatsorsuutit allanut blokkinut naleqqiullugit minnerusimapput, taamaasilluni paasinarsivoq 2014-mi inissiami ataatsimi kiassarnermut akiliisoqarsimasoq 15.723,20 koruuninik.

<http://www.ini.gl/download.aspx?docId=700327>

Qulaani kisitsisit taaneqartut missiliukannerlugit uppernarsarneqarsinnaappata (sipaarutissat ivertissuinerup nassataanik) ajornerpaamik pisoqassappat aningaasartuutit utertinneqassapput ukiut tallimat ataallugit ingerlareerpata.

Aamma attartortup soqutigisaraa immikkut ataasiakkaaniq uuttuusersuinissaq.

Naalackersuisut akissutissaannut kiisalu partiit allat oqaaseqaatissaannut qilanaarpugut.

Pisortanut aningaasaqarnikkut allaffissornikkullu kingunerisassai

Kiassaatinut ataasiakkaanut uuttuutilersuineq aningaasartuutitaqassaaq. Qulaani taaneqareersutut naatsorsuutigineqarpoq namminersorlutik oqartussat inissiaataannut illuutaannullu 6.060-iusunut



immikkut uuttuutininik ataasiakkaanik ivertissuisoqassappat, ataatsip ikkunera 4.000 koruunit 8.000 koruunillu akornanni akeqassasoq. Aningaasartuutit taakku piffissap sivilisunngitsup ingerlanerani, sivilisunerpaamik ukiut talliimat ingerlaneranni imminut akilersimassasut tagginneqarpoq.

Inuussutissarsiornermut aningaasaqarnikkut allaffissornikkullu kingunerisassai

Soqanngilaq.

Innuttaasunut aningaasaqarnikkut allaffissornikkullu kingunerisassai

Innuttaasut kiassarnermut atukkaminnut eqqornerusumik akiliisalissapput. Kiassarnermut sipaaraanni akiligassaq minnerussaaq, annerussaarli, annertuumik kiassarnermik atuigaanni.

Taamatut oqaaseqarlunga Naalakkersuisut akissutissaannut kiisalu partiit allat oqaaseqaatissaannut qilanaarpunga.